

საქართველოს ცენტრალური საარჩევნო კომისია



ცესკო

საქართველოს საარჩევნო
ადმინისტრაცია

ელექტრონული ტენდერი
ქუთაისის საოლქო საარჩევნო კომისიის შენობის სარემონტო სამუშაოების სახელმწიფო
შესყიდვის მიზნით

სატენდერო დოკუმენტაცია

ქ. თბილისი, 2014 წელი

1. ტექნიკური დოკუმენტაცია
2. დამატებითი ინფორმაცია
3. სახელმწიფო შესყიდვების შესახებ ხელშეკრულების პროექტი
4. რეკვიზიტები - დანართი #1
5. ხარჯთაღრიცხვა დანართი #2,
6. ნახაზები
7. განმარტებითი ბარათი
8. ფოტოსურათი

1. ტექნიკური დოკუმენტაცია

1.1 საკვალიფიკაციო მოთხოვნები

საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

1.1.1 იურიდიული პირისათვის:

- ა) ცნობა უფლებამოსილი ორგანოდან ბიუჯეტის წინაშე დავალიანების არ არსებობის შეახებ.
- ბ) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან.

1.1.2 ფიზიკური პირისათვის:

- ა) ცნობა უფლებამოსილი ორგანოდან, რომ არ მიმდინარეობს ფიზიკური პირის გადახდისუუნარიანობის საქმის წარმოება.

1.2. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემულ უნდა იყოს "გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის" მე-2 მუხლის პირველი პუნქტის "ლ" ქვეპუნქტით გათვალისწინებული ეტაპის დაწყების შემდეგ;

1.3. პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა შემსყიდველ ორგანიზაციაში ხორციელდება სისტემის გამოყენებით. პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში სატენდერო კომისია მოახდენს ამ პრეტენდენტის დისკვალიფიკაციას.

1.4 სამუშაოების ტექნიკური აღწერილობა

შესყიდვის ობიექტს წარმოადგენს ქუთაისის საოლქო საარჩევნო კომისიის შენობის სარემონტო სამუშაოები. სარემონტო სამუშაოები სრულდება მისამართზე: ქ. ქუთაისი, ჭავჭავაძის ქუჩა #31.

ყველა გამოყენებული მასალა-მოწყობილობა უნდა იყოს მაღალის ხარისხის, რაზეც შემსყიდველს უფლება აქვს, სურვილისამებრ მოითხოვოს საერთაშორისო სტანდარტის სერთიფიკატი. იმ შემთხვევაში, თუ შემსრულებლის მიერ შესრულებული სამუშაო არ იქნება მოწონებული შემსყიდველის მიერ, შემსრულებელი ვალდებულია გამოასწოროს, წარმოადგინოს სხვა, შემსყიდველისთვის მისაღები მასალა, მოწყობილობა და სამუშაო.

მიმწოდებელი პასუხისმგებელია სამუშაოების მსვლელობის მთელი პერიოდის განმავლობაში უსაფრთხოების წესების დაცვაზე, რომელთა დარღვევის შემთხვევაში შემსყიდველისათვის ან მესამე პირებისათვის მიყენებული ზიანის ანაზღაურების ვალდებულება ეკისრება მიმწოდებელს.

1.4.1 სამუშაოების სრული ჩამონათვალი და მოცულობა იხილეთ დანართი №2-ში.

1.4.2 სატენდერო ობიექტის სამუშაო ადგილის გამოყოფა შემსყიდველის მოვალეობაა; მიმწოდებელი პასუხისმგებელია სამუშაოსათვის გამოყოფილი ადგილის გამოყენებაზე და სამუშაოს დასრულების შემდეგ გარემოს საჭირო და სათანადო აღდგენაზე;

მიმწოდებელი პასუხისმგებელია შეასრულოს სამუშაო უსაფრთხო და ეკოლოგიურად მისაღები გზით და ვალდებულია დაიცვას შემდეგი პირობები:

- უზრუნველყოს სამუშაო ადგილის ფარგლებში მდებარე ხეების და მცენარეების სიცოცხლისუნარიანობა;
- მინიმუმამდე დაიყვანოს მუშაობით გამოწვეული ხმაურის, ვიბრაციის და მტვერის გავლენა- სამუშაოების დასრულების შემდეგ შემსრულებელი თავისი ძალებით და სახსრებით ერთი კვირის განმავლობაში ვალდებულია გაათავისუფლოს სამუშაო ადგილი სამშენებლო მოწყობილობა-დანადგარებისაგან, მასალებისაგან, დროებითი ნაგებობებისაგან და ა.შ;

1.4.3 შესრულებულ სამუშაოებზე და მოწყობილობებზე უნდა ვრცელდებოდეს საგარანტიო პირობები არანაკლებ 3 (სამი) წლის ვადით. გარანტიის მოქმედების პერიოდში მიმწოდებელმა უნდა აღმოფხვრას გამოვლენილი ხარვეზები, შემსყიდველის მოთხოვნიდან 1 კვირის განმავლობაში

1.4.4 . თუკი, დაბალი ფასის მქონე პრეტენდენტმა ელექტრონული ვაჭრობის შედეგად, სისტემაში დაფიქსირებულ საბოლოო ფასსა და სავარაუდო ღირებულებას შორის დააფიქსირა 20%-ზე მეტი სხვაობა, ასეთ შემთხვევაში მიმწოდებელი ვალდებული იქნება დაასაბუთოს ფასწარმოქმნის ადეკვატურობა და ამ ფასად მასალებისა და მოწყობილობების მიწოდების შესაძლებლობა. აღნიშნული გარემოების დადგომის შემთხვევაში პრეტენდენტი ვალდებული იქნება აგრეთვე წარმოადგინოს ხელშეკრულების შესრულების გარანტია 5% - ის ოდენობით.

1.4.5. შესრულებულ სამუშაოთა მიღება-ჩაბარების აქტის გაფორმებისთვის, მიმწოდებელმა უნდა წარმოადგინოს შემსყიდველს ფორმა N2 და ფარული სამუშაოების აქტი (ასეთის არსებობის შემთხვევაში) დადასტურებული შემსყიდველის წარმომადგენლის მიერ.

1.4.6 სავალდებულოა პრეტენდენტს ბოლო ორი წლის განმავლობაში გააჩნდეს ანალოგიური სამუშაოების შესრულების გამოცდილება მინიმუმ 300 000 ლარის ღირებულებით, რაზედაც უნდა წარმოადგინოს შესაბამისი მიღება-ჩაბარების აქტები და ფორმა N2 -ები.

1.4.7 შემსყიდველის მოთხოვნის შემთხვევაში პრეტენდენტი ვალდებულია წარმოადგინოს მინიმუმ ორი დადებითი რეკომენდაცია შემსყიდველი ორგანიზაციებიდან.

1.5 ანგარიშსწორების პირობები:

1.5.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის ადგილზე მიწოდებასთან დაკავშირებული ყველა გადასახადის ჩათვლით.

1.5.2 ანგარიშსწორება განხორციელდება უნაღდო ანგარიშსწორებით ლარში.

1.5.3 ანგარიშსწორება ხორციელდება სამუშაოების დასრულების შემდგომ, მიღება-ჩაბარების აქტისა, ფორმა 2-ის და შესაბამისი საანგარიშსწორებო დოკუმენტაციის გაფორმებიდან 20 დღის განმავლობაში.

1.5.4 საავანსო ანგარიშსწორება არ გამოიყენება.

1.6. მიწოდების პირობები და ვადები

1.6.1. ტენდერში გამარჯვებულმა კომპანიამ სამუშაოები უნდა დაიწყოს ხელშეკრულების გაფორმების დღიდან და დაასრულოს 60 კალენდარული დღის ვადაში.

1.6.2 სამუშაოების გეგმა-გრაფიკი დამატებით შეთანხმდება შემსყიდველის მიერ განსაზღვრულ მაკონტროლებელ პირ(ებ)თან.

1.6.3 სამუშაოს შესრულების ადგილი: ქ. ქუთაისი, ჭავჭავაძის ქუჩა #31.

1.7. დამატებითი მოთხოვნები

1.7.1 სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე.

1.7.2 პრეტენდენტს უფლება აქვს წარმოადგინოს მხოლოდ ერთი სატენდერო წინადადება.

1.7.3 სატენდერო წინადადებაში საერთო და ერთეულის ფასი გამოსახულ უნდა იყოს ყველა ხარჯის გათვალისწინებით, როგორიცაა: ტრანსპორტირების ხარჯები და საქართველოს კანონმდებლობით დადგენილი გადასახადები, თუ მოსაკრებლები (მათ შორის - დღგ).

1.7.4 სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

1.8. პრეტენდენტის მიერ სისტემაში ასატვირთი დოკუმენტებია:

1.8.1 პრეტენდენტმა უნდა წარმოადგინოს სატენდერო წინადადების ფასი, რეკვიზიტები დანართი 1-ის მიხედვით;

1.8.2 ხარჯთაღრიცხვა დანართი #2-ის მიხედვით.

1.8.3 ბოლო ორი წლის განმავლობაში ანალოგიური სამუშაოების შესრულების გამოცდილება, დადასტურებული შესაბამისი მიღება-ჩაბარებებითა და ფორმა N2 -ებით, მინიმუმ 300 000 ლარის ღირებულებით.

2. დამატებითი ინფორმაცია

2.1 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია წერილობითი მიმართვის შემთხვევაში სატენდერო კომისიის აპარატში: ქ. თბილისი, დ. აღმაშენებლის ხეივანი მე-13 კმ. საკონტაქტო პირი: ბ. ბეგიაშვილი 2510051 (144)

ელ. ფოსტა: bbegiashvili@cec.gov.ge

3. ხელშეკრულების პროექტი

ქ. თბილისი

2014 წელი

საქართველოს კანონის „სახელმწიფო შესყიდვების შესახებ“ საქართველოს ცენტრალური საარჩევნო კომისიის მიერ, სახელმწიფო ბიუჯეტიდან გამოყოფილი დაფინანსების ფარგლებში

ერთის მხრივ საქართველოს ცენტრალური საარჩევნო კომისია წარმოდგენილი თავმჯდომარის სახით შემდგომში „შემსყიდველი“ და მეორეს მხრივ-----”მიმწოდებელი“ ----- სატენდერო წინადადების საფუძველზე, ელექტრონული ტენდერის (#SPA-----) ჩატარების შედეგად ურთიერთშეთანხმების საფუძველზე დებენ ამ ხელშეკრულებას შემდეგზე

1. ხელშეკრულების საგანი

1.1 წინამდებარე ხელშეკრულების საფუძველზე მიმწოდებელი უზრუნველყოფს ქუთაისის საოლქო საარჩევნო კომისიის შენობის სარემონტო სამუშაოების შესრულებას შემდგომში „სამუშაო“, ხოლო შემსყიდველი კისრულობს ვალდებულებას მიიღოს მოთხოვნილი მომსახურება და გადაიხადოს მისი ღირებულება ხელშეკრულებით გათვალისწინებული წესით.

2. სამუშაოს ღირებულება

2.1. მთლიანი სახელშეკრულებო თანხა დღგ-ს გათვალისწინებით შეადგენს ----- ლარს.

3. სამუშაოს მიღება-ჩაბარება

3.1. სამუშაო ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

3.2. სამუშაოს მიღება-ჩაბარება დასტურდება მხარეთა წარმომადგენლების მიერ სათანადო აქტით.

4. სამუშაოს მიწოდების ვადები და ადგილი

4.1 შესყიდვის ობიექტის მიწოდება ხორციელდება ხელშეკრულების გაფორმებიდან 60 კალენდარული დღის ვადაში

4.2. სამუშაოს მიწოდების ადგილი: ქ. ქუთაისი, ჭავჭავაძის ქუჩა #31.

5. გარანტია

5.1 მიმწოდებელი იძლევა გარანტიას, რომ მიწოდებული სამუშაო იქნება ხარისხიანი და შეესაბამება შემსყიდველი მოთხოვნებს.

5.2. შესრულებულ სამუშაოებზე ვრცელდება 3 წლიანი საგარანტიო პერიოდი.

6. ანგარიშსწორება

6.1 ანგარიშსწორება განხორციელდება სამუშაოების დასრულების შემდგომ, მიღება-ჩაბარების აქტისა და შესაბამისი დოკუმენტაციის გაფორმებიდან 20 დღის განმავლობაში.

7. ხელშეკრულებაში ცვლილებების შეტანა

7.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

7.2 თუ რაიმე წინასწარ გათვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

7.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

7.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

8. უფლებების გადაცემა

8.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მესამე პირს მოცემული ხელშეკრულებით არსებული თავისი ვალდებულებები.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

10. მხარეთა პასუხისმგებლობა

10.1 ხელშეკრულების მონაწილე მხარეები კისრულობენ ვალდებულებას აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობისათვის ან არასრულად შესრულების შედეგად მიყენებული ზარალი, მოქმედი კანონმდებლობით განსაზღვრული წესით.

10.2 შემსყიდველი კისრულობს ვალდებულებას გადაუხადოს მიმწოდებელს პირგასამტეხლოს სახით ანგარიშსწორების ვადების დარღვევისათვის გადასახდელი თანხის 0.1 პროცენტი ყოველი ვადაგადაცილებული დღისთვის.

10.3. მიმწოდებელი კისრულობს ვალდებულებას გადაუხადოს შემსყიდველს პირგასამტეხლოს სახით 4.1 პუნქტით გათვალისწინებული მიწოდების ვადების დარღვევისთვის სახელშეკრულებო თანხის 0.5 პროცენტი ყოველი ვადაგადაცილებული დღისთვის.

11. ხელშეკრულების შეწყვეტა მისი პირობების შეუსრულებლობის გამო

11.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

- ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია სრულად მიაწოდოს საქონელი ან მისი ნაწილი;
- ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

11.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

11.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) საქართველოს კანონმდებლობით გათვალისწინებულ სხვა შემთხვევებში.

11.4 ამ მუხლის მე-3 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული სამუშაოს ღირებულება.

12. ხელშეკრულების შესრულების კონტროლი

12.1 შემსყიდველს უფლება აქვს მიმწოდებლის მიერ სამუშაოს მიწოდებისას, განახორციელოს ტექნიკური კონტროლი. კონტროლს ახორციელებს ინსპექტირების ჯგუფი.

12.2. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.

12.3. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

13. ფორს-მაჟორი

13.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

13.2 ამ მუხლის მიზნებისათვის 'ფორს-მაჟორი' ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

14. სადაო საკითხების გადაწყვეტა

14.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

14.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს სასამართლოს.

15. ხელშეკრულების მოქმედების ვადა

ხელშეკრულება ძალაში შედის მხარეთა მიერ მისი ხელისმოწერის დრიდან და მოქმედებს 2014 წლის 30 დეკემბრის ჩათვლით.

ხელშეკრულება შესრულებულია და ხელმოწერილია ორ ეგზემპლარად რომლებიც ინახება

ხელშეკრულების მონაწილე მხარეებთან.

მხარეთა იურიდიული მისამართები და საბანკო რეკვიზიტები

შემსყიდველი

მიმწოდებელი

4. რეკვიზიტები:

პრედენდენტის დასახელება:

ხელმძღვანელის სახელი და გვარი:

პრეტენდენტის მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიშის ნომერი:

სატენდერო წინადადების ფასი: